



Diario



pa Aruba



ANJA 22

DIABIERNE 19 DI AGOSTO 1960

Nr. 3815

## FLASH

Deposita fls. 390.— ..... y ricibi back fls. 500.— of  
CUMINZA GANA PLACA AWE MES Deposita fls. 3.900.— ..... y ricibi back fls. 5.000.— Pa mas informacion acudi na **LA ESPERANZA** of jama telefoon: 5201 - 5191



Representanten di Congo (ariba) y di e provincia rebelde, Katanga, cu kien su independencia (abou) ta sinta aki na un reunion di Nacionnan Uni, cual a vota pa manda tropa pa Congo. Representanten di Congo ta: Antoine Gizenga (na robez, cu cabes di un banda). E representanten di Katanga ta (di r. p. dr.) Joseph Yau, Jacques Masanga y Jean-Baptiste Kibwe.

## Dialuna tin nochi di despedida pa Bursalan

**ORANJESTAD** — Gobierno Insular di Aruba lo tene dialuna na awor pa 7'or di anochi un reunion pa esnan cu ta bai Hulanda fin di e luna aki pa estudio y nan mayornan y tambe pa mayornan di e muchanan cu ta studiando na Hulanda actualmente. E reunion aki lo worde teni na Centro Cultural na Oranjestad.

E reunion tin dos obhetu: Promé: pa tuma despedida di e muchanan cu ta bai sigui nan estudio na Hulanda; di dos: pa duna na tur e muchanan i na tur e mayornan un informacion explicativo tocante diferente circunstancia en relacion cu e estudio, i e ambiente social, posibilitadnan i problemanan na Hulanda.

Lo papia Diputado di Educacion, Sr. Ernesto O. Petrona; Inspector di Educacion, Sr. Tiro Sprockel, kende lo hin especialmente for di Corsow pa e ocasion aki, como tambe: Adj. Inspector Sr. Cosme Yrausquin, Ademas, Sra. Burny Every, maestra di

school na Maria College, kende tambe a studia varios anja na Hulanda i for di su mes experiencia conoce e circunstancianan di nos estudiantenan na Hulanda. Lo tene un charla tocante e circunstancianan aki. E reunion aki, cu ta worde organisa pa Servicio Informativo, di acuerdo cu Departamento di Educacion, lo ser amenisa pa musica Arubano, gracias na cooperacion di Padu del Caribe i Trio los Aventureros. Tur mayor cu tin yiu ta studian- do na Hulanda ta cordialmente bon- vini.

Te cu ayera merdia laat no tabata conoci cuanto bursaal (muchanan cu a hanja beca di gobierno) lo bai Hulanda e anja aki. Door di introduccion di un H.B.S. di cinco (Colegio Arubano) y un Kweekschool (school na unda alumnonan ta worde prepara pa maestranan di school), nanera nan ta spera — e cantidad si- nembargo lo ta hopi abau cu man- era e caso tabata den anjanan anterior.

**DRUMBAND DI PADVIN- DERNAN TA BISHITA ARUBA**

**WILLEMSTAD.** — Di Nederland- se Padvindere Vereniging nos a ricibi e informacion, cu e district-band di e padvindernan di NPV, ta yega Aruba awe, pa un bishita di tres dia. Huntu cu padvindernan di NPV na Aruba nan lo tene algun marcha, ademas nan lo duna algun presentacion.

**BEPE PEPSI**

„Look under the Crown“

Pa medio di esaki Centro Apostólico Arubano kier gra- dici TUR esnan cu di un of otro manera a duna nan cooperacion pa asina e Dia di Enfermo (17 agosto '60) por a bira un exito.

Dios bendiciona bosonan tur. Centro Apostolico Arubano.

## Conferencia di San Jose a cuminsa cu discursonan significante

**SAN JOSE, 18 aug.** — E conferencia dje ministronan di asun- tonan exterior dje estadonan Mericano, a cuminsa na Costa Rica. E presidente di Costa Rica a efectua e apertura y a tene un discurso, den cual el a bisa cu e ministronan mester ocupa un actitud decisivo en frente dje amenazanan di pafor dje con- tinente y cu nan no mester perde for di bista, cu solamente un economia fuerte lo por trece seguridad y union pa e continen- te Mericano.

E ministro chileno di asuntonan ex- terior, Ortúzar Escobar, a bisa den su discurso chiquito cu Suramerica ta necesita hopi capital pa combati e problemanan, resultando for dje he- cho cu Suramerica ta subdesarolla. Di hez en cuando e institucionnan inter- nacional ta hesita of nan ta duna un cantidad limita di placa, y tin bista ta resultado di nan statutan. E minis- tro chileno a dirigi su mes directamen- te na Merca, hisando cu a jega e mo- mento pa e republica grandi den nor- te pa e observa e urgencia dje proble- ma aki y juda soluciona e problema cu e mes gran nobleza cu el a demo- strar pa reconstrucion di hopi pais eu- ropeo, di cual algun tabata su enemi- go den guerra.

E ministro a observa cu e exito dje plan neho mericano di desarrollo lo depende dje suma di placa cu worde gasta.

Otro siman e relacionnan entre Merca y Cuba y e hazonan di Cuba cu e paisnan comunita, lo worde dis- cuti.

Diasabra nan lo euba di d'scuti e keho di Venezuela contra Santo Do- mingo.

E ministro dominicano di asun- tonan exterior, Porfirio Herrera Baez, a bisa cu e acusacionnan den e rapport dje comision investigadora dje Orga- nizacion di Estadonan Mericano no a worde demostra. Manera ta conoci e rapport aki ta base dje keho contra Santo Domingo, cual Venezuela ta a-

cusar di a colabora den e atentado pa mata presidente Betancourt.

E OAS ta stipula kibramentu com- pieto dje relacionnan diplomático y e- conómico.

Herrera Baez a declara cu Venezue- la ta usa „metodonan di Moscu“, pa pone prisenan haci declaracion. E acusacionnan di Venezuela ta indica un pais cu ta victima di tensionnan interno, causa particularmente door di decadencia economica.

„Loke ta socede na Venezuela ta loke ta socede den tur gobiernu de- mocratico. Cielu libra mi pais for d' „democracia“, asina e ministro domi- nicano a bisa.

**Reunion priva dje ministronan**

Majan e delegacionnan na e confe- rencia di ministronan di asuntonan exterior dje paisnan mericano, lo tene un reunion priva pa determina e san- cionnan cu lo worde aplica contra Santo Domingo. Nan lo busca un for- mula di compromiso entre e medida- nan extremo, cu Venezuela a propo- ne y cu e representantenan di Mexico y Honduras a apoya, y e formula mas modera, cu Merca, Costa Rica y Ar- gentina ta apoya.

**Welga di 3 minutu na Alajuela**

Ajora tabatin un welga general di 3 minutu na e provincia Alajuela, na Costa Rica, pa protesta contra e dis- tancianan cu ta existi na e hemisfe- rio occidental y centra e intervencio- n di paisnan stranhero na Merca. Na e otro 6 provincianan dje pais e wel- ga tabata solamente parcial.

## DOKMIJ. TA CONSTRUI BUNKERSTATION DI AWA cla pa fin di November

**ORANJESTAD.** — Curaçaoe Dok Maatschappij N.V. lo bai construi e in- stalacion di bunker pa awa di Aruba den haaf di Oranjestad. E compania aki, cu a inscribi di por bai e trabau aki pa fls. 36.900, —algun tempo pasa a haña permit pa construcion. Mas o menos un luna despues Dokmaatschappij ta spera na entrega e trabau.

Entretanto, Watervoorzieningsdienst ya a cuminsa pone e tubonan, e pomp- nan y haci e otro trabau preparati- vo. E bunkerstation di awa lo hin na e parti pabai di e terreno di haaf.

E bunkerstation di Lago cu ta wor- de construi door di Dokmaatschappij y Beham, lo hin cla mas o menos na e mesun tempo ey.



Homber cu muher a bringa

**ORANJESTAD.** — No ta cos di ur dia, y ta pesey tabatin varios „Fans“ pa mira e pelea diarazon atar- di 12'or y 10 den refregeria Estrella entre e caballero M.R. y e dama T. Na jega di patula y tempera- tura a baha un poco caba y nan a dicidi na hiba e homber, cu tabata den estado di buracheria, pa warda.

**FATUM — Tel.: 1845**  
Pa tur bo aseguranon

Homber na sanger

**ORANJESTAD.** — For di den Nas- saustraai nan a jama polisnan diara- zon mainta pa 11.55 hisando cu den e caya ey tabatin un homber, drumi- na suela ta sangrando. E homber aki, S.T. kende tabatin un herida chikito riha su wowo robez y tabata burachi a hanja promer auxilio y despues a keda traslada pa warda.



AWENOCHI pa 8.00 or

**SOCOTORO STARS vs. ZENITH**

(A-klasse)

Entrada Fl. 1.— y Fl. 0.50  
Damas gratis.

## Promer cliente: tirador di botter cu a maltrata un otro

**ORANJESTAD** — Mr. Van Koot a hanja como promer cliente pa tende su opinion, un tal A.F., 31 anja biba na Sombo, kende a hanja acusacion di a trata na maltrata un tal Jan V. na un manera serio. Despues cu tanto fiscal mr. F. C. Fliek como e huez a muestra acusado riba e peliger di tiramento di botter y e ultimo a realiza esaki, nan a mandele cu dos luna direkt pa Dakota.

Lo na tabata necesario pa e acu- sado, e mainta aki hiba den su traha blanco bon strika, a hanjele para di- lanti huez. Pero dia 7 di e luna aki durante un pleito entre un tal Marco y Jan V. banda di un rumshop na Cashero el a entremetele, y hanjele tambe meimei di e pelea. Y como cu acusado tabatin algo aden y no ta- bata conoce e reglanan di un pelea limpi, el a pasa mas pa un botter di rem jen jen y dal Jan cunele den su cara.

Fiscal a hanja cu como e tirame- to di botter a socede intencionalmen- te por papá di esfuerza pa maltrato serio. Acusado ademas ta conoci pa e tanto veznan cu el a worde condena pa buracheria publico riba caya, algo cu siguramente no a judele na nada pa suaviza su castigo.

Exigencia di mr. Fliek tabata den- tencia pa cinco luna di cual dos ta condicional, kitando voorarrest, y cu un tempo di prueba di 3 anja. Tambe cu ordu pa destrui e botter y cu acu- sado lo worde traslada inmediatamente pa prison.

E huez cu kier a tende promer di


acusado si el a realiza e peliger cu un tal actitud asina tin cunele a baha e castigo cu 1 luna. Cinco luna di cual tres ta condicional. Kitando voorar- rest y cu un tempo di prueba di 3 anja. Opinion di mr. Van Koot ade- mas tabata tambe cu acusado lo bai Dakota mesora.

**HUSTICIA A TUMA CURSO AYERA CU DOS CARA NOBO**


**ORANJESTAD.** — Mr. J.V.M. van Koot kende recientemente a worde nombra huez na Aruba ayera mainta a haci su promer aparicion den se- sion publico pa loke ta toca casonan castigable.

E di dos cara nobo cu nos a mira na man robez di e huez tabata di e griffler substituto interino sr. C.D. Mathew, kende tambe a hanja e nom- bracion aki algun dia pasa.

Isador Portuoff ta jama ayo prome cu e haci su blaha de test den un sub- marine di 13 pla. El a sanbaja y a des- paze den Lago di Michigan. Despues di a subi na superficie 'trobe el a declara: „E ta famoso“!







Bonaire's flamingo's die ter sprake kwamen in het kort geding van de Kalkfabriek.

## Kort geding Bonaire Lime Factory versus het Eilandgebied Bonaire

WILLEMSTAD, 19 aug. — Gisterochtend diende voor de president van het Hof van Justitie alhier, de vordering in kort geding van de Bonaire Lime Factory N.V. (Kalkfabriek) in rechte vertegenwoordigd door mr. dr. J. L. A. Visser, contra het Eilandgebied Bonaire, in rechte vertegenwoordigd door mr. O. Burghardt. De Kalkfabriek vorderde de veroordeling van het Eilandgebied Bonaire om toe te laten, dat de Kalkfabriek tegen de door het Eilandgebied zelf bepaalde koopprijs ad f 1 per truck-lading van ten hoogste 2 km3 kalksteen weghaalt of doet weghalen van een stuk domeingrond gelegen onmiddellijk ten noorden en ten zuiden van het Lac tussen de zogenaamde Rode Pan en Soroben, zulks ter verwerking in eiseres's kalkbranderij op Bonaire.

De kalkfabriek (eiseres) stelde, dat er een verbintenis zou bestaan uit overeenkomst tussen haar en het Eiland, krachtens welke eiseres kon eisen, dat zij op de door haar verlangde plaatsen de benodigde kalksteen zou mogen winnen.

Want het Eiland andere vindplaatsen had, waarvan welke niet van eiseres's aard waren, had de Kalkfabriek zich tot de rechter gewend, ten einde in kort geding aan haar trekken te komen.

Mr. Visser was er ter motivering op, dat de door het Eilandgebied aan-

gewezen vindplaatsen niet toereikend waren en aldus het (voort) bestaan van de kalkfabriek op het spel stond en dat het eiland de overeenkomst in kwestie niet te goeder trouw ten uitvoer had geleid.

Mr. Burghardt bestreed het standpunt van de kalkfabriek met klem van argumenten, in de eerste plaats de onbevoegdheid van de rechter inroepende om dit geschil in kort geding te beslissen, zulks omdat o.a. de zaak ieder spoedeisend karakter miste en ook overigens was onttrokken aan de kennisgeving van de burgerlijke rechter, wijl hier het oordeel van de civiele rechter was ingeroepen over de doelmotivatie van een Overheidsbesluit der Uitvoerende Macht.

Ook te dien aanzien, aldus mr. Burghardt, is het geschil als van publiekrechtelijke aard onttrokken aan de civiele jurisdictie.

Wat de hoofdzaak betreft, wees mr. Burghardt namens het eiland Bonaire o.a. op de mogelijkheid, dat het winnen van kalksteen op de door de Kalk-

fabriek beoogde plaatsen de flamingo-kolonie zou kunnen verjagen en het ongerepte natuurschoon zou schaden, terwijl het beheer van domeingrond krachtens art. 57 der Eilandenwet op eenmaal zonder enige restrictie was voorbehouden aan het Eilandbestuur.

Na re- en duplikaat bepaalde de president de uitspraak op dinsdag 23 augustus 's morgens 9 uur.

### Trabou di malbadonan!!

Casi sigur ta trabou di malbadonan, ta e opinion di polisman y di donjo di un Mercury casi nobo, cu diarazon merdia a baha den barrancan di Jan Tbiel di casi diez meter haltu y a keda na werki.

E donjo hasta ratu prome a parkeer su auto, el a bala su handrem y a blokea e gearman automatico.

Na un distancia mas leu e tabata sinta piscu ora cu di repente el a mira e auto bini bou. E auto ta total loss. Polisman durante investigacion a hanja cu e auto tabata den neutral y cu e handrem tabata mitar hala ahon.

Asina cu nan ta supone cu despues cu nan a pone e auto den neutral y a baha e handrem cu e auto su peso mes a ponele baha, of ta posibel tambe cu nan a dancu un push prome. E donjo ta keda afirma cu e ta sigur di a hala handrem y di a blokea e speed den automatico prome cu el a bai.



no paga e boet auto e tin di sinta diez dia den Dakota. Cu un „Thank You“ fuerte C.G. a baha for di e trapu.

### Fls. 40.— PA MAGO CU A HACI MAL USO DI CONFIANZA

ORANJESTAD. — Pa cuarenta florin di multa o diez dia cera y tambe detencion condicional di dos luna cu tempo di prueba di tres anja, nan a sentenciar e mago H.W.H. di St. Maartenstraat.

E hombra aki cu a duna di un mago di profesion a presta un machin di boor for di un bisinja y no a entrega esaki bek, sino a bunga donjo riba e aparato aki.

Pa estafu, haci su mes donjo ilegal di cos di otro bende, nan a acusele ayera mainta.

Dia 10 di mei di e anja aki e mago aki tabata algun trabau di haci den su cas y a bishita bisinja Bibiano S. cu e suplica pa esaki prestele su machin di boor. Cu tur confianza di mundo S. a entrega e boor na e mago.

Dianan a pasa y Bibiano a cuminsa pensa cu presta herde un cos no kier meen cu bo tin derecho di keda asina tanto cunele. Ta pesey el a jega cerca H. y punterle: „Que buba?“

Ta na e momento aki el a banja tende cu su boor a banja otro donjo. Asunto di contrat no tabata bai bon pa e boor presta. Mesora el a banja e boor, pero a saka hini florin paga H. kende a mli cuarenta florin pa e aparato. „Ai bo no worry, poco poco mes ta bon“, ta loke talvez e acusado lo a bisa W. na e momento ey.

Algun d'a despues el a bohe ric'hi un suma di dos cincuenta riba e hini florin. Y te aki cos a jega pasobra Bibiano a descubri e mercado negro y a trece e cos adilanti.

Durante e sesion acusado a reconece tur cos y su actitud a muestra cu e

voorzover bekend, elders nooit zijn gepubliceerd. Ter nadere toelichting moge echter het volgende dienen.

Het begrip „kosten van levensonderhoud“ heeft een geheel andere betekenis dan men aangaande op deze term zou vermoeden. Daarmede wordt namelijk niet bedoeld het bedrag waarover men minimaal moet beschikken om het gezin in leven te kunnen houden. Dit bedrag is namelijk niet objectief van te stellen omdat men van mening kan verschillen ten aanzien van de goederen die het gezin per se nodig heeft.

Ter illustratie moge de vraag worden gesteld of het in de tropen absoluut noodzakelijk is vrij grote uitgaven te doen voor kleding en huisvesting.

Omdat het dus onmogelijk is bedoeld minimumbedrag objectief vast te stellen, werkt men in de praktijk met het gemiddelde verbruik van arbeidsgezinnen, of met andere woorden het „gemiddelde goederenpakket“. Daarin zijn in principe dus alle uitgaven begrepen, ook bijvoorbeeld die voor ontspanning.

Voor een bepaald gebied stelt men nu mandelings met behulp van een steekproef vast hoeveel procent dit „gemiddelde goederenpakket“ duurder is geworden, met het doel een prijsindex voor dit gebied te berekenen.

Wil men in twee gebieden de „absolute kosten van levensonderhoud“ vergelijken, dan dient men eveneens uit te gaan van een bepaald goederen- en diensten-assortiment. Men stelt dan met behulp van een steekproef vast hoeveel het in het ene gebied en hoeveel het in het andere gebied kost. Een dergelijke vergelijking gaat echter altijd min of meer mank. Zou men bijvoorbeeld nagaan wat het gemiddelde Curaçaose pakket te Bonaire kost, dan zouden te Bonaire prijzen voor verschillende goederen en diensten moeten worden opgenomen die daar in het geheel niet, vrijwel niet, of in veel mindere mate worden verkocht. Voorbeelden zijn busvervoer en bioscoopbezoek. Hetzelfde geldt voor ieder ander pakket, omdat het consumptiepatroon te Bonaire op verschillende punten vrij sterk afwijkt van het Curaçaose, als gevolg van een andere prijs- en inkomensstructuur of, algemener gezegd, als gevolg van afwijkende sociale en economische verhoudingen, na dit verband moge tenslotte nog worden opgemerkt dat het zeer wel mogelijk is te

genstrijdige conclusies te trekken ten aanzien van de verhouding van de kosten van levensonderhoud wanneer men uitgaat van verschillende goederenpakketten.

Afgezien van het voorengestelde doet zich bovendien de complicatie voor dat rekening dient te worden gehouden niet de „zelfvoorziening“ op beide eilanden. Wanneer men namelijk zelf geiten houdt of uit eigen visvangst producten voor het gezin bereidt, dan betekent dit dat men minder geld nodig heeft om artikelen te kopen. Daar de mate van zelfvoorziening op Bonaire sterk varieert van gezin tot gezin, betekent dit tevens dat de uitkomst van het onderzoek, dat uiteraard een gemiddelde is, weinig houvast biedt omdat men rekening dient te houden met een grote spreiding.

Tenslotte moet nog worden opgemerkt dat het voor het onderhavige doel in teite nodig zou zijn de kosten van levensonderhoud te vergelijken voor „ouden van dagen“. Het zou daartoe nodig zijn het gemiddelde verbruikspatroon voor deze categorie mensen te kennen, zowel op Curaçao als op Bonaire.

Na het voorgaande behoeft het geen nader betoog dat het vrijwel niet mogelijk is op objectieve wijze vast te stellen hoe hoog de uitkering voor de ouderdomsvoorziening op Bonaire dient te worden gesteld, indien uitsluitend rekening wordt gehouden met het behoeftelose element. Het ligt dan ook niet in de bedoeling van de Regering dit wetsontwerp aan te houden totdat een dergelijk onderzoek is ingesteld, mede omdat de kosten van levensonderhoud, zoals reeds in de Memorie van Toelichting werd gesteld, slechts één van de factoren „vormen, die van belang zijn voor bepaling van de hoogte der uitkeringen.

Op de door verschillende leden gemaakte opmerking dat alle artikelen behalve vlees en vis op Bonaire duurder zijn dan op Curaçao moge nog worden geantwoord dat, indien dit juist zou zijn, dat nog geen zinsimpliciteit op Bonaire hoger liggen dan op Curaçao. In het voorafgaande werd uiteengezet dat deze zaak veel gecompliceerder is en dat een vergelijking van winkelprijzen alleen niet voldoende is.

### Geen nieuwe aanvraag

Enkele leden achten het wenselijk in de nu voorliggende Landsverordening te bepalen, dat bij inwerkingtreding er van degenen die thans reeds een uitkering krachtens de Landsverordening Noodouderdomsvoorziening ontvangen geen nieuwe aanvraag om een uitkering behoeven in te dienen, doch automatisch hun uitkeringen zullen ontvangen ingevolge deze Landsverordening. De ministers mogen naar aanleiding hiervan opmerken, dat dit laatste inderdaad in de bedoeling ligt en dat dus geen nieuwe aanvraag behoeft te worden gedaan. Het is niet nodig dit in de Landsverordening zelf te regelen.

Voor wat de vraag betreft om voor een vlotte uitbetaling van het ouderdomspensioen (bedoeld zal zijn ouderdomsuitkering) gebruik te maken van de diverse diensten en kantoren, kan worden meegedeeld, dat de uitbetaling op dezelfde wijze zal geschieden als tot nog toe het geval was.

cion di Venezuela cu e Brasileno cu algun dia pasa ta camna bende terreno situa den e capital nobo di Brazil, Brasilia, ta un estafador.

E hombra aki antes tabata den servicio di un compania na Brazil cu tabata ocupa su mes cu bendemento di terreno rond Brasilia. Pero el a worde retirá, y a keda cu algun papel di compania den su poder.

Tabata facil pa e convence como e'ne habitante di Corsow — talvez lo ta mas — te cu nan a cntregale algun placa. E suma cu el a ricibi ta algun mil florin.

Ta posibel cu e Brasileno aki a traha na e mesun manera na Italia tambe. Mientras tanto e aballero aki a sali for Corsow cu destinacion desconoci.

### PROCESO DI POWERS A CONTINUA AWE NA MOSCU

MOSCU. — E proces di e pilot Mericano Powers a sigi awe na Moscu.

E abogado Mericano cu ta acompaña e familia Powers na Moscu, ta di opinion cu Powers ta actua „inteligente“ durante e prome dia di proces el a studia e preguntanan cuidadosamente y e no a duna detalle espontaneamente y sin necesidad, manera mayoria parti di hende“.

E nerviosidad di pilot tabata „normal“ y e no tabata demostra miedo. E abogado don a bisa cu nan no por bisa si Powers a hacha un spulamento di cerebra, „pero si ta asina, anto nan a haciele masba bon“.

Sra. Barbara Powers, esposa di pilot, a bisa cu e ta „satisfecho“ cu e actuacion di su esposo, sra. Powers, mama di pilot, a bisa cu su jiu a bira flacu pero cu su reaccionnan tabata normal durante e sesion. Sra. Powers a bisa cu el a reconece e manera di papia di su jiu den cada palabra cu el a papia“.

E abogado Mericano ta di opinion cu e proces lo no duru mas cu 3 dia. Nan ta di opinion cu no ta imposibel cu prome ministro Krushchev ricibi e familia Powers eventualmente.

### BENEDOR DI TERRENO A RESULTA DI TA UN ESTAFADOR

WILLEMSTAD. — Via INTERPOL — Internationale politie organisatie — polisman di Corsow a ricibi informa-

Wie Amstel drinkt... doet zó



### Petrona & Croes

Dakota - Tel. 1712-1639

PA TRABA PLAN DI CONSTRUCCION, BESTEK Y REGIOTING.



HBU



HBU

### VERHOOGING RENTE VERGOEDING

HBU - BANKBOEKJE



Van 1 Juli 1960 af 3% rente



TOT EEN MAXIMUM VAN NAF 5.000,- PER BANKBOEKJE

Ook voor bankboekjes de HBU

### HOLLANDSCHE BANK-UNIE N.V.

WILLEMSTAD WILLEMSTAD ORANJESTAD SAN NICOLAS  
Breestraat 1 (P) Agentschap Otrabanda Breestraat 7 (O) Nieuwstraat 92 Bernard v. d. Voer  
Telefoon 11340 Telefoon 24059 Telefoon 1200-1204 Telefoon 5090



# Delegacion di Little League a bolbe ayera

(Di nos redactor deportivo)

ORANJESTAD. — Ayera malita a yega nos isla back e seleccion di Little League cu pa promer biaha den historia di nos deporte a bai defende number di Aruba. Yen di entusiasmo manager Chirino y especialmente e hungadornan tabata.

Especialmente como cu nan a derota un seleccion di e segundo liga di Puerto Rico darazon anochi cu e abultado score di 20 pa 0.

Pa e partido aki nan a ricibi un copa, meskos cu uno pa consolacion di e torneo oficial eliminatorio.

## Puerto Rico y Venezuela lo hunga aki

Muy probablemente durante curso di e luna aki ainda, lo bia un seleccion di Maracaibo, esun cu a representa Venezuela den e Torneo Latino Americano, y tambe un seleccion di Puerto Rico.

Esun di Venezuela tabata cla pa pasa Aruba y hunga dos wegá e weekend aki mes caba, pero debi na algun inconveniente e partidonan no por tuma luga ainda.

## TA BUSCA UN CRIA

pa limpia cas, laba panja y strika.

E. I. IRAUSQUIN  
Rondweg 23  
Oranjestad  
Tel. 1300

Diputado di Educacion di Territorio Insular di Aruba tin honor di invita tur mayor cu tin yiu ta studiando na Hulanda, como tambe tur otro persona interesa, na un

## REUNION

cu lo tuma luga dialuna awor, 22 di augustus, 7'or anochi na

## CULTUREEL CENTRUM

di Oranjestad. Den e reunion aki lo tuma despedida di e hobennan cu lo sali pa Hulanda fin di e luna aki y ademas lo ser teni un charla tocante diferente circunstancia conecta cu e estudio y e ambiente na Hulanda.

Diputado di Educacion  
E. O. PETRONA

18—8—60

## Instalacion di un organizacion central nobo

WASHINGTON. — E ministro mericano di defensa a anuncia cu un organizacion central nobo a worde instalá, pa duna directiva den formulacion di plan pa potnan strategico, pa un ejercito di raket y bombardero.

Cabezante di organizacion nobo ta general Thomas S. Power, actualmente cabezante di e comando aereo strategico.

## PUNTRA POLIS

Choke: No a duna preferencia

MARAWIEL. — Na e cruzada di Rooi Prikichi y Marawiel pick-up D-654 maneha pa F.F. y sedan A-1337 maneha pa G.C. a dal den otro diazaton mainta 11'or. E auto di diens no a duna preferencia cual tabata motibo di e choke cu a laga un danjo di fis. 150 na cada uno di e autonan.

Choke: Atrobe no a duna preferencia

SAN NICOLAS. — Riha e mesun dia aki nief bora despues di e choke na Marawiel tabatin un otro na e skina di Trompsstraat-Van Speykstraat entre 2191 (G.H.I.) y A-4577 (O.S.). E promer auto menciona no a duna preferencia. Danjo total ta fis. 250.

## Hanja y perdi

Dida Ridderstad di Arendstraat 52 a hanja un feneta cu inicialnan M.D. Peter MacDougal di Vuyestekestr. 9 a hanja un estuche conteniendo un bril.

Tony Hassell a hanja un reenchí cu algun jabí den Miramar Bar. Frank Ruiz di Adolf van Nassastraat 5 a perde un taca di wiet di su auto.

## CRUZ ROJA DI ARUBA

Si e doorprize di e fiesta di Cruz Roja di 9 di juli 1960 no worde busca promé cu dia 9 di oktober '60 contra entrega di e tikete di admisson no. 170, lo e caduca.

## NOBO NOBO NOBO

Nassastraat 34  
A caba di jega: Dacron-voiles sheers cu disenjo y tambe liso, Sailing di dacron-falon pa dama y caballero. Un bunita surtido di katopn pa shimis di school.

# Incidente serio na aeropuerto di Leopoldstad

LEOPOLDSTAD, 18 aug. — Awe mainta tabatin un incidente masha serio na aeropuerto di Leopoldstad, entre soldanan Congoles y soldanan nacionnan uni. 14 Oficial Canadiense dje ehercito di nacionnan uni a worde desarma, tira abao y maltrata cu kolf dje fusilnan. Un di nan a hanja heridanan grave na su cabez y niernan.

Algun ciudadano belga cu ta pertenec na personal dje compania belga di aviacion, Sabena, a worde detene hunto cu e oficialnan canadiense.

Parce cu e soldanan congoles tabata di opinion cu e oficialnan blanco tabata soldanan belga, bisti na otro uniform.

A muri 10 solda na Luluaburg Fuentenan no-oficial na Elisabethstad a informa awe, cu 10 solda tunesino aparentemente a muri na Luluaburg, na e provincia Kasai.

Un portavoz di Nacionnan Uni a contesta preguntanan bisando cu e no a tene nada di caso.

Siman pasa 3 solda tunesino a muri na Luluaburg, durante bringamentu entre tribunan cu tabata bringa contra otro.

## Delegacion congoles a bai New York

E delegacion congoles cu lo atende e sesion di Consejo di Seguridad, a bai New York alera nochi. Lo e pasa Accra pa tene discusion cu presidente N'Krumah di Ghana. Lider dje delegacion ta viceprime ministro Gizenga di Congo. Kende a bisa prensa cu e ta spera cu esaki lo ta su ultimo biaha pa New York. El a critica actitud dje secretario general di Nacionnan Uni, kende a bai New York sin warda e delegacion. "Indudablemente", asina Gizenga a bisa, "pa instiga opinion publico contra Congo prome cu e representanten congoles jega."

Redactor di "Courrier d'Afrique" a hanja su libertad

Ajera e redactor general dje corant congoles "Courrier d'Afrique", Gabriel Makoso, kende a worde detene riba dia 12 di augustus, a hanja su libertad. E corant, cu ta organo dje sindicaton cristian, semper a conduci un oposicion modesto pero constante contra politiek dje gobierno di Lumumba.

Declaracion di Lumumba den conferencia di prensa

Prome ministro Lumumba di Congo a declara ajera na un conferencia

## CEMPRO N.V.

Wayacka - tel. 2444

BLOKKI DI BETON LATEIEN Y LATEIBLOKKEN ESPECIAL



Throughout the world more people buy Seagram's V.O. than any other imported whisky.



ARUBA TRADING COMPANY  
Oranjestad - Aruba

## CUMPLIANJOS

Señor Guillermo Aquiles Lacle y sra. Editha Dania de Lacle ta cumpli 12 anja casa y nan ta ricibi felicitacion di 5 junan Rupert, Miran, Philomena, Nilo, Rosemary, Magaly, especialmente di mama Maria Dania, suegros comenran, compernan, especialmente di Henriette Ranes, Theresita Ranes y Rosalinda Marinas.

Señora Dora de Gomez ta cumpli anja y ta ricibi felicitacion di su esposo Mario Gomez, junan Marilyn, Sonia y Astrid Gomez, tata Juan, mama Juana, rumannan Pedro, Victor, Jacinta y Oscar Hidalgo, suegra Julia, cuñanan Johana Maria, Fio, Lan, Dominico y Hose, comen Editha, Ramona, Aracé, ibanan Glenn, Mirto, Erwin, Emeraldita, Isay Juacita y demas familia na Venezuela.

Señora Maria Werleman ta cumpli anja y ta ricibi felicitacion di su esposo Horacio Werleman, 7 junan Bebbi, Tujo, Anna, Aura, Lourdes, Franklyn, Nilda, tambe di 17 nietonan y demas amiga y familia Werleman.

Ta cumpli 8 anja e hobencita Ivonia Alida Josephina Quijada y ta ricibi felicitacion di su tata Julio Quijada, mama Cornelia Quijada, tur su rumannan especialmente di su dos rumannan na Hulanda Julio Jr. y Ramon Quijada.

Ta celebra su feliz cumpleaños Señor Hendrik Wernet y ta ricibi felicitacion di su estimada esposa Petra, tres junan Rudy, Didi, Magda, suegra Rosalia Kock, mama, tata, tur su rumannan.

Ta recorda su fecha natal Aymon Roque Kelly y ta ricibi felicitacion di su tata Stefan, mama Catharina, 10 rumannan especialmente di su dos rumo y primanan tambe di su primo Alberto Gei.

Awe ta recorda su fecha natal e hobencita Elsa Solognier y ta ricibi felicitacion di su mama Bertha, rumannan Everanda, Elsi, Swinda y Nelson, Solognier, wela Antona Geerman y Roman, tanta y omonan, madrina Brigida Ras, amiguan Mabil da Geerman, Marcel, Maduro, Lorna Woods y demas familia, di Rosa Angela y Louis Peters.

## Nacimiento

Los esposos

Civilis Weyer

y señora

Bienvenida Villasmil-Weyer

celebran el feliz advenimiento

de su segunda hija

TANIA MAUREEN

Aruba, 15 de agosto de 1960

(Sigi lesa riba pag. 4)

Bo no por haye otro lugar?

Pasa anto na

KEES GROCERY N.V.

Tel. 1079 - 1918



KEM-GLO  
ENAMEL

For kitchens, bathrooms, woodwork, looks and washes like baked enamel

ARUBA TRADING COMPANY



CONCURSO  
F1000 na premio  
participa bo tambe!

NIKI HABIBE Jr.

# Agenda

ARUBAANSE COURANT

diariamente cu excepcion di diadomingo

Edita pa: N.V. ARUBAANSE DRUKKERIJ- EN UITGEVER- EN PUBLICITEITS MIJ. Nassastraat 85 - Oranjestad, Aruba N.A.

Suscripcion / 3-: paga adelanta Edicion suelta 20 ct.

Telefon: 1116 Directiva y anuncio 2118 Redaccion y suscripcion

Directeur-hoofdredacteur: O. J. Staartjes

Imprimi na N.V. Drukkerij "De Stad"

## CINE

DE VEER 8.30 "The FBI story" a.i. HIALTO 8.00 "Marry me again" 13.1 PHINCIPAL 8.00 "Escort West" a.i. ALHORA 7.30 "Street of Sinners" 13.1 SAVANNA 7.30 "Thunder in the Sun" 13.1

## BOTICANAN DI WARD

Oranjestad: BOTICA ODUBER tel. 1705

San Nicolas: BOTICA CENTRAL, tel. 5008

WIT-GELE KRUIS

Zr. Kvalda - Zr. Perpetua tel. 3200

## POSTSLUITING

Vrijdag

Barranquilla 13.30, Bogota 8.30, Curaçao 8.30 & 16.00, EUROPA 8.30 & 15.30, Miami 8.30, New York 8.30 & 15.30, Caracas 15.30.

## RADIO KELKBOOM

Diabierne 19 di augustus

11.30 Musica varia  
12.00 Lunchmuziek  
12.10 Noticias local na Pap.  
12.25 Nieuws international y lokaal  
12.40 Norte Americana  
12.55 News in dutshell  
1.00 Musica varia  
1.30 Sluiting  
4.30 Rancheras  
4.50 Noticias na Pap. (lokaal-pap y deprtita)  
4.45 Cocktail Musical  
5.00 Danzones cubanos  
5.15 Musica varia  
6.00 Calypso  
6.15 Cumples anjos felix  
6.30 Dinermuziek  
6.45 Voorlichtingsdienst  
7.00 Noticias na Pap.  
7.15 Musica varia  
7.30 Musica Memorias  
7.45 Nieuwsberichten  
8.00 Norte americana  
8.15 Lagrimas de una madre  
8.30 Musica varia  
9.00 HIT INTERNATIONAL  
9.30 Peliculas  
10.00 Sluiting

## RADIO VICTORIA

Diabierne 19 di augustus

11.00 Apertura  
11.15 El Mundo Femenino  
11.30 Musica de la Noche  
12.00 Ultimas Noticias  
12.15 Musica Sagrada  
12.30 World News  
12.45 Organ Memorias  
1.00 Radio Concert Hall  
2.00 The Reading Room  
2.15 Sacred Songs  
2.30 The Quiet Hour  
2.45 Ensenos Musicales  
3.15 Cafe con Musica  
3.30 Luz y Verdad  
4.00 Musica de Banda  
4.15 Ecoman Celestial  
4.30 Radio Kid's Bible Club  
5.00 Jovay del Hogar  
5.15 Palabranan di Bida  
5.30 Interludio Musical  
6.00 Ultimas Noticias  
6.15 Suesos Deportivos  
6.30 Noticias Holandes  
6.40 Musica Clasica  
7.15 The Bandstand  
7.30 Unshakable  
8.00 World News  
8.10 Off the Record  
8.30 Back to the Bible  
9.00 Musical Gems  
9.30 Haven of Rest  
10.00 World News  
10.15 Hymns that Live  
10.30 Sign Off

## RADIO CARACAS TELEVISION

Viernes 19 de agosto

9.55 Patron de Radio Caracas T.V.  
9.57 Informacion sobre los Progr. del dia  
10.00 El Tin Vaqueiros  
10.30 Cosas de Mujeres  
11.15 Cortos Cinematograficos  
11.30 La Perfecta Ama de Casa  
12.00 La C.V.I.R.T.V. informa la Nacion  
12.05 Gran Show de las Duce  
1.15 Su novela Fab-Vorita  
1.30 El Imparcial Television  
2.00 Punto y Aparte  
2.15 Cortos Cinematograficos  
2.30 Club Femenino  
3.00 Por el Ojo de la Cerradura  
4.00 Estudio de Ilector Monteverde  
4.30 Club de los Nietos  
5.30 Cortos Cinematograficos  
5.45 Timoteo  
6.00 Cita con Saume  
6.30 Cine-Variedades  
7.00 Julian Pacheco  
7.07 Que le Parece Compadre  
7.15 La novela Ace  
7.30 Cuatro Hombres Justos  
8.00 El Observador Cerebro  
8.15 La novela Palmolive  
8.30 Fiesta Pepsi  
9.00 La novela Camay  
9.15 Amador Bendayan en T.V.  
9.30 Documental  
10.00 La reforma agraria en marcha  
10.30 Cine Programado  
12.00 Informacion sobre los Programas de Mañana  
12.10 Marcha Oficial, Himno Nacional

GUARANTEED FLUFFY!  
Uncle Ben's RICE



Importatrice:  
E. & G. MARTIJN  
(Aruba) LTD.  
Tel: 1492-1493

# UN BRUID COMO OFERTA

pa TUYUCHI

No. 66

Justin a lamta para ora cu el a drenta. Ainda su man tabata marra den serbette, pero su mes presencia tabata saludable, masha bunita y elegante.

"Bo servidur, Theresa", e lord a bisa y a hiba Theresa su man na su lipnan. Y el a haci un inclinacion profundo.

mi debilidad, mylord", Theresa a responde. "E tabata trata awor na larga su stem resona mas tranquil posible, pero sin embargo tabatin un temblamentu leve den dje."

"B'a sosesga suficiente? Mi a preocupa mi masha tantu ajera nochi pa bo salud, pasobra bo tabata agita y sobrecansa".  
"Mi quier ofrece bo mi excusa pa

qui". Theresa a bisa suavemente. "E no a hanja consecuenecianan desventurosos di e viaje?"

Justin a sagudi cabez. "Awe mainta tempran mi a bai den stia cerca dje. E ta den sublime condicion. Un poco chercio extra asina hasta lo ta bon p'e de bez en cuando. Pero abo mes, Theresa. Bo ta sinti bo berdaderamente bon?"

"Masha bon, mylord".  
Theresa a bim na e descubrimientu cu e casi e no tabata risca mira e lord den su caraz; su curazon tabata bati cu irregularidad y duro te den su garganta y e tabata desesperadamente spanta pa e lord no leza e secreto den su woworan.

E tabata obliga su mes awor na papia mas poco poco y mas firme e indiferente. E no mester lubida ni un instante cu ta pa La Flamme e lord su interer tabata bai. Y principalmente e no quier a larga e lord ripara cu el a bira asina queri p'e.  
"Lo bo n' quier sinta un ratu, Justin?" e lord a puntra y el a agrega acerca; "gustosamente lo mi quier a

combersa algu cu bo".

Theresa a obedecé y e la cai sin ta nei riba su curpa, su mannan dobla den su scochi, manera un mucha cu tabata spera un secul chiquito. E tabata imagina su mes cu a aparece un sonrisa riba cara di Justin, pero ora cu esaki tabata papia, su stem tabata resona serio den orea di Theresa.

"Theresa mi la gradici bo profundamente pa e hecho cu b'a bini ajera nochi aqui pa mi motibu. Mi crier a bisa mi cu ta un di mi criaman di stal a corre bai Mandrake bai hiba e mal noticia ora cu el a mira mi basha'bao, sin balsa dreci quico a pasa despues. M'a larga mi curpa cai pa expres abao, pasobra diripiente m'a mira un expresion di spantu riba cara di mi secundantnan: door di cual m'a comprende cu ta algo traicionero a tuma luga."

E bala dispara a herida mi solamente un poco y candela dje bala a quima mi bashi. M'a queda drumi eibao manera morto, pasobra mi tabata teme, cu si lord Wrotham mira mi lamia unbez, anto lo e dispara su se-

gundo tiro riba mi y esei si lo tabata esun mortal".

"E homber ei no ta nada otro sino un monstruo; un monstruo den figura di bende. Y lubidando cu e mester a domina su mes. Theresa a grita: "Un hecho baho, vil y eoharde. Y quico a para di lord Wrotham mes?"  
"Lord Wrotham a tumba bai Hulanda m'a tende", Justin a responde. "Naturalmente e n' haci esei boluntariamente. Ora cu despues di algun anja e hanja permiso pa e regresa Inglaterra trobe lo e mester bin biba reserba na su hacienda. Corle a destere".


"Oh, qui contentu mi ta sinti mi. Mi ta masha satisfecho", Theresa a bisa un poco foy su mes.  
Anto Justin a bisa:  
"En todo caso lo e no por molestia bo mas. Lastimamente cu consecuenecianan di su comportacion ta al-canza ainda hopi mas leu".  
"Ta quico bo ta meen cu esei?" Theresa a puntra.  
"Mi ta meen cu ta su traicion y impulsividad di e crier ta origen cu l'a

(E ta sigui)



# CISCO KID

1. "Indiannan"! Nan ta asalta nos! "Horror!" 2. Detective Chuchu ta trata di calma e pasaheronan. "Senjores, mi ta detective y mi sa tira! Mi amigo Pancho tambe." 3. "Drum na sue... cu serenidad, lo nos por rechaza e indiannan!"



# JUAN EL INTREPIDO

1. "Un renchi extraño esun cu Rama Lama a munda bo. Bongo! E ensigne simbolico ta parece unico." 2. "Mi ta zati un anja ta viaha... den auto, den barco y na pia... Mi mester jega cerca e homber!" 3. "Si mi por a biba na otro parti di mundo cu no ta esaki! Ta duel mi, pero bo bialhe ta termina aki!" 4. "Si bo ta quiere cu bo por taha mi, bo ta queda equivocada!" 5. "Seonde, tin un hende ta bini!"



# DICK TRACY

1. "Asina, hefe, lo mi bisti mi panjnan y subi den avion." 2. "Tracy, tabata agradahle pa traha cu bo. Trece bo casa hin haci un bishita." 3. "Danki, hefe. Tur es tempo, tene mi na altura di Lil'."



# RIP KIRBY

Ferret ta averigua number di Myra La Mere...

1. "Aki Fremont ta biba. Lo e no tin mucho con cantando den Club Cordial." 2. "O-o-o-h! Qui suerte! Mi no tabata sa cu e tabatin prenda!" 3. "Mi a lubid algo, mi mester bolbe pa hotel!"



# EL PRECIO DEL TRIUNFO

1. "Bo ta bay masha pura... Mimi... ta solamente dos ora e tin na su puesto! Mi ta molestia boso? No contesta!" 2. "Eddy, esaki ta Kim Benton. Kim... 3. "Ya mi sa! E gran Eddy Chapek... awor mi ta mira paquico..." 4. "Kende? Paquico... Gran?" 5. "Bo quier nien cu nunca bo a jega di tende di Eddy Chapek? Mi ta haci coi bon muchacha... mi ta laga boso pa conoce otro mehor!" 6. "Con que mi ta estúpida pasobra mi no a tende di bo?" 7. "Pero mi quier sinja... mi quier tende!"



# EL DIARIO DE UNA VIDA

1. "Alcalde Jones? Ta teniente Hearn. Bo por bini Julietta?" 2. "Mi ta bay warda di polis?" 3. "Na unda e tipo ta?" 4. "E ta den cel. E ta asina raro cu e no ta parece di e mundo aki." 5. "Duna mi un conseho!"



# PEPITA

1. "Bon dia... bo quier firma e peticion aki?" 2. "Paquico no?" 3. "Pa evita cu e vendedom ambulante ta molestia e bisinjanan." 4. "Mag-nifico!" 5. "Lo mi firma e peticion aki cu mucho gusto!" 6. "Mi quier mira su cara, ora e bin descubri cu e la firma un suscripcion riba mi revista pa un anja!"



Den cual di e mannan aki e futuro venidero di Estados Unidos lo cai? 1. Ta pertenece na Lodge. 2 ta di Kennedy, 3 ta di Johnson y 4 ta di Nixon.

## INCIDENTE SERIO NA AEROPUERTO DI LEOPOLDSTAD

(Continuacion di pag. 3) biaba pa solamente algun ora. Nan no sabi ki destino algun dje detenidnan ta hania.

Un funcionario di Nacionnan Uni a bisa cu secretario general Hammar-skjoeld ta worde tene na altura constantemente di incidentenan cu tuma luga entre e ehército congole y e soldanan di Nacionnan Uni, y particularmente dje sucesonan di awe mainta na aeropuerto di Leopoldstad.

Soldanan sudanes a ocupa aeropuerto di Leopoldstad

14 jeep y 3 camion cu 250 solda sudanes a bay a jega aeropuerto di Leopoldstad awe tardi y a ocupa mes ora e puntanan strategico dje aeropuerto. Na unda congolestan a maltrata 14 solda canadiense awe. E sudanesnan a ocupa entre otro e toren di verkeer y oficina dje aeropuerto, pende indefinidamente.

E soldanan sudanes ta bao di comando dje general indio Rickie. ken-Trafico na e aeropuerto a worde suspende a cuminsa investiga e suceso di awe mainta inmediatamente.

Parce cu e incidentenan a cuminsa pasobra poliznan congole, cu a hania orden pa "busca spionnan belga", a reconoce varios auto cu tabata pertenece na nan ex-oficialnan belga y cu e oficianan blancu tabata usa. Keriendo cu ta nan ex-directornan cu tabata disfraz manera oficial canadiense, nan a detene nan. Pero e hendenan tabata oficianan canadiense dje servicio di comunicacion di Nacionnan Uni. Prome cu nan por a identifica nan mes, e congolestan a cuminsa maltrata nan.

Ta jen di tension na tur parti dje luga caminda e incidentenan a tuma luga, pasobra e autoridadnan no ta tene cuenta di autoridad dje soldanan di Nacionnan Uni den nan busqueda di spionnan y nan ta comete accionan di anarquia y barbaridad, manera den e prome dianan dje incidentenan congole.

E oficial canadiense gravemente herida

E oficial canadiense, cu a worde herida gravemente awe mainta na aeropuerto di Leopoldstad, mester a bai Luluaburg huntu cu 5 otro. Nan tabata den e avion cuba ora cu un grupo grandi di solda congole a core jega cerca y a muestra e aviador dje avion cu e mester stop e motoman, cu tabata traha caba. E soldanan mester a sali y e canadiensenan a worde obligadi di cai drumi abao. Nan a destrui nan aparatonan radial. Un grupo mas di canadiense a worde maltrata tambe. Soldanan di Ghana a salba bida dje canadiensenan. Un portavoz di Nacionnan Uni a informa cu despues dje incidentenan aki tur avion civil a hania orden di bai Brazzaville, na Congo Frances anterior, na luga di bini Leopoldstad.

## Rusia den conferencia di desarme

NEW YORK. — Rusia a bisa awe na e conferencia di desarme den nacionnan uni, cu e ta dispuesto na firma un acuerdo pa prohibi produccion y uso di armanan atomico cuakier dia. El a acusa e paisnan occidental, cu nan a duna un interpretacion rotoz di Rusia su actitud den nan rapportnan tocante e actividadnan dje comision di 10 pais na Ginebra.

Rusia a bisa tocante e proposicionnan Mericano cu a worde presenta como nobo dia 27 dia juni na Ginebra, despues cu e conferencia a worde suspende, cu e proposicion di Merca tabata contene solamente un cambio chikitu dje prome proposicionnan occidental y cu e tabata concentra tambe riba e pregunta di supervision y no riba medidanan concreto di desarme.

E delegado Ruso a bisa cu e problema di desarme mester worde discuti den e proximo asamblea general di nacionnan uni.

## Acusacion di Nehru na China comunista

NEW DELHI, 18 aug. — Awe prome ministro Nehru di India a acusa China comunista cu e ta conduci un campanja di prensa pa malu contra India, localta ta intervencion den e asuntunan interno di India.

Nehru a bisa parlamento cu ta un actuacion "masha desafortunado" cu ta parece "bastante indecente".

## Cuido di interesnan Hulandes na Indonesia

DEN HAAG, 18 augustus. — Ministerio hulandes di asuntunan exterior a informa cu gobierno ingles a informa cu gobierno ingles a informa en contestacion riba un peticion di gobierno hulandes, cu e ta dispuesto na cuida e interesnan di Hulanda na Indonesia.

Naturalmente ta depende di consentimiento di gobierno indonesi, si realza e arreglo aki, asina e ministerio hulandes a informa.

## Un avion Frances a explota banda di Casablanca

AGADIR, 18 augustus. — Un avion frances di 4 motor tipo "Lancaster" dje base aereo frances na Agadir, a explota, ajera nochi den vecindario di Casablanca. E 20 personanan den dje a muri.

E avion a trata di baha na e aeropuerto di Casablanca despues cu e candela a cuminsa den un dje motornan, y e explosion a tuma luga e ora ey.

E avion tabata transporta soldanan y miembronan di na familia, despues cu nan a pasa un vacation na Francia.

## HOROSCOOP

di awe

ARIESNAN 11 Maart — 21 April



Venus Saturnus ta yuda bo conquista cierto merito of ganashi poco poco na sigur. Prepara bo.

TAURISNAN 21 April — 21 Mei



Venus Saturnus ta juda bo den bo relacionnan cu personanan mas bieu cu bo conoce hopi tem.

GERMINENAN 22 Mei — 21 juni



Lo bo logra exito den esfuerzonan pa haci ambiente mas diber-tido. Exito ta na bo lado.

CANCERNAN 22 Juni — 23 Juli



Venus Saturnus ta juda bo pa fortifica bo relacion cu familia y bicinjanan.

LEONAN 24 Juli — 23 Augustus



E seman aki uno cu ta necesidad ta desea bo ayudo. Lo bo logra exito door di esfuerzo.

VIRGONAN 24 Augustus — 23 September



Venus Saturnus ta juda bo na fortifica lazonan di independencia, cu ta trece cambio pa bo.

LIBRANAN 24 September — 23 October



Venus Saturnus ta juda bo na soluciona problema y alcanza mas armonia y seguridad.

SCORPIONAN 24 October — 22 November



Venus Saturnus ta fortifica bo posicion cerca amigu, familia y bicinjanan. Secucha opinion di otro.

SAGITARIUSNAN 23 November — 21 December




Venus Saturnus ta juda bo den desarollo di bo asuntunan y tambe di fondonan of propiedad.

CAPRICORNUSNAN 22 December — 20 Januari



Ta un bon ocasion pa prepara un otro reorganizacion den bo negoshi of asuntunan.

ACUARIUSNAN 21 Januari — 19 Februari



Por socede casonan favorable den asunto di financia. Trata na mengua bo recibunan poco.

PISCES 20 Februari — 20 Maart



Mas o menos banda di e ora aki por presenta ocasion pa bo fortifica bo lazo di amistad.

## Dennis, de schrik van de buurt!



"Hij heeft nog steeds zijn vingers niet gebrand, mama!"

"Te ainda e no a quima su dedenan, mama!"